

Dava Banh Cietcuzcu Bunujyauz Hozdung

大化举行布努瑶祝著节活动

6 nyied 29 hauh, Dava Yauzcz Swciyen Bwzgingj Cin Banjlanz Siujyoz ndawhag singgo haprwenz. Gyoengq beixnuengx Yauzcz daenj buhvaq minzcuz, youh ciengq youh diuq, doj gaeq doj roeg, angqhoh conzdungj cietndei moix bi gvaq baez haenx.

Cietcuzcu dwg aen ciet conzdungj Bunujyauz, ngoenzciet hozdung lai cungj lai yiengh, doenggvaq ciengq go cojcoeng hawj beixnuengx aen minzcuz neix mbouj lumz gyaenanz lizsij caeuq conzdungj ronghda. Hozdung seiz, beixnuengx Banhyauz daenj buhvaq minzcuz ronghsien moqsag ciengq go diuq foux, youq gwnz daizheiq yienj gij saedceij ciengzgingj cei gyaue Yauzcz. 《Fwen Gingqlaeuj》《Cingz Byayauz》daengj gofoux, baijyienj le vunz Mbanjyauz saedceij gvaq ndaej yied daeuj yied ndei, ndaej daengz bouxyawj bekwngz haenhndei.

(Cinz Dayungi/陈大勇)



▲ Soengq gyaeqnding coux bouxhek.

► Yenjyenz youq gwnz daiz biujyienj cezmuz ndei yawi.



▲ Ciengqgo doxdax yienhciengz.

Denzyangz Banh Geiqniemh Laeb Dangj 95 Hopbi Ciengqgo Doxdax

田阳举办纪念建党95周年歌咏比赛

Vih geiqniemh Cungguk Gungcanjdangj laeb dangj 95 hopbi, haeujlaeg doicaenh “song hag it guh” hagsib gyauyuz, “caet it” gaxgonq, Denzyangz Yen banh geiqniemh laeb dangj 95 hopbi “ciengq gohoengz, haenh aencingz dangj, riengz dangj byaij” ciengqgo doxdax hozdung, daengx yienh gak yanghcin, gak hidungj cungj cujcz doihhaciengq hwnjdaiz camgya doxdax, yungh singgo goksagsag danqhaenh gij goenglauz Cungguk Gungcanjdangj daiq daengx guk gak cuz beksingq saedyienh Cunghvaz minzcuz hungmbwk fukhwng, vih caenh’ itbough diuhdoengh caeuq gikfat daengx yienh guengjdaih dangjyenz ganbu beksingq gaenxmaenx caux gonq ciengj ndei, aeu cingzciik ndei angqcoux Cungguk Gungcanjdangj laebbaenz 95 hopbi cauxok heiqfaenh naekna.

(Vangz Gozsun/黄国顺)

Lozcwngz:

Mulaujcu Gunghyibinj Gagcaux Hawj Vunz Haenh

罗城：仫佬族文创工艺品受青睐

Gaenh geij bi neix daeuj, Lozcwngz Mulaujcu Swciyen gujli vunz lai gag couz gag caux, aeu cauxmoq cauxeiq guh doenghlig, gaq hwnj aen giuz doxlienx bozvuzgvanj, vwnzcang ndawbiengz canghheiq caeuq giyez, yungh vwnzva cauxeiq gikfat gij swhyenz youq ndaw lijyouz haenx, haifat gij gagcaux vwnzva canjbinj miz Mulaujcu daegsaek haenx, dajcaux Mulaujcu vwnzva cauxeiq binjbaiz. Dangqnaj, Mulaujcu gagcaux gunghyibinj ndaej daengz hekyouz haenggyaez, haifat siugai souhaeuj gaenq miz haujlai daezsang, yienh’ok yiengh hoengh ndei.

(Mungz Cwnghshw/蒙增师)

► Baijyienj gunghyibinj fwngz guh.



Lungzswng:

Canghheiq Yungh Fiengz San Ok Minzcuz Fungcingz Mbanjdung

龙胜：草编艺人编织侗寨民族风情



▲ Bouxswnjcienz yungh fiengz san doenghduz.

Mboengqneix, youq Lungzswng Gak Cuz Swciyen Bingzdwngj Cin Gvangjnanz Cunh lungz fiengz saeceij fiengz swnjcienz hagsib gihdi, swcigih gaep “feihyiz” daibyausjng bouxswnjcienz Vangz Yiz cingq san guh gunghyibinj. Vangz Yiz baengh gij dinfwngz lekndei, yungh fiengz haeuxcid guh cujyau caizliu, caiq yungh faexcuk, gaeu, faexdiuz iq daengj guh bangbouj caizliu, yungh san, cap, sieng daengj cib lai cungj dinfwngz san guh lungz fiengz, saeceij fiengz, vaiz fiengz, Ranzdung laeuzgyong daengj gunghyibinj, baenz le “canghheiq ndawbiengz” dangdieg gya’e gyawj okmingz. Gij gunghyibinj de gai bae daengz ndaw guk rog guk, baenz le gij doxgaiq yoce haujlai yisuzgyah.

(Banh Cisiengz/潘志祥)